



Ned ning sēn yeele: Laa'ilaaha Illallaah= soab sēn na n tū n tulg ka be rēnda Wēnde, la a kifl ne būmb fāa sēn tūudi zēng tū ka Wēnde, a arzekā la a zūmā lebga haraam ne nebā, la a geelgā bee ne ne Wēnde

Yii a Taarik Ibn Ushayr Al-ašğa“iy nengē (Wēnd yard be a yīnga) a yeelame: m wūma Wēnd Tēn-tūuma (Wēnd pūusg la A tūlgr be a yīnga) t'a yetē: «Ned ning sēn yeele: Laa'ilaaha Illallaah= soab sēn na n tū n tulg ka be rēnda Wēnde, la a kifl ne būmb fāa sēn tūudi zēng tū ka Wēnde, a arzekā la a zūmā lebga haraam ne nebā, la a geelgā bee ne ne Wēnde».

[Naşun Şahihon (Gom-sikdem sēn manege)] [A Muslim n togs-a]

Nabiyaamā (Wēnd pūusg la A tūlgr be a yīnga) kōta kibare, tū ned ning sēn yeela la a maan kaset ne a zelemde, tū Laa'ilaaha Illallaah, rat n yeele: būmb b sēn tūud sīd-sīd ka be rēnda Wēnde, la a kifl b ne sēn tūud zēng tū ka Wēnde, la a zāag a meng n yi dīin-rāmbā sā n ka līslaangā, wakat-kāngā a arzekā la a zūmā lebga haraam ne līslaambā, rēnd būmb ka be ne tōnd sā n ka ninsaal tūumā sēn vēnegā, rēnd f ka tōe n reeg a arzeka, ka tōe n wīdm a zūm t'a ka līslaam ye, sā n ka wa n mikame t'a maana yel-beedo, maa a kūu neda, tū yaa tūlāe tū b maan-a woto, n zems ne līslaangā būudā. La Wēnd n na n ges a geelgā dūni yikr raare, sā n mikame t'a yaa sīd soaba, A rond-a lame, la sā n mik tū yaa munaafika A sībgd-a lame.

<https://sunnah.global/hadeeth/mos/show/6765>